

Reges Hispaniarum

27

Ferdinandus III Rex Legionis et Castellae qui Mauras in Baetica pri: conclusit

Alphoncus X Rex Legionis et Castellae Electus Imperator



Sanctius III Rex Legionis et Castellae Alphonsi filius

Ferdinandus III Benignus Rex Legionis et Castellae




Alphoncus XI Rex Legionis et Castellae

Petrus II Rex Arragonie



HIERO.



# HIEROGRAPHIA REGVM CHRISTIA- NORVM.

## *Primum Hispania simplex.*



**R**IMA, est Ferdinandi III. Regis, ut vides, qui Mauris in Bætica conclusis, visus est sibi, non in Hispania tantum, polliceri Imperium; sed Gubernatore Deo, clavum orbis terrarum.

27.

## *II. Hierographia simplex.*

Alfonsi hæc est litterati Regis. Pelicani meminit Ælianus. Storges nos antea, Celebris aliàs vulgò est. Vult intelligi, se devovisse vitam suam Religioni & Reip.

## *III. Hierographia simplex.*

Lacessentis & ad duellum provocantis imago & sententia est. Ferocis sit in acie militis, Regis non est momento temporis, de summa rerum periclitari.

## *IV. Hierographia simplex.*

Tres volutæ sunt, sive, coronæ statuarum: ars enim imitatur naturam. Artem docet Vitruvius. Supra has Diadema Regium. Quæri vult Rex rebus benè gestis honores cum humanos, tum divinos, id est immortales. Nam quod in lemnisco circum lamberet per litteras divisum; id Ferdinandus quodam die, in aciem educens militem, fufius expressit: Dia de mas valer, Dies, quò virtus magis est illustranda.

## *V. Hierographia simplex.*

Mustela fumo circumfusa, mori malle dicitur, quàm transilire, ne pellem inquinet, & credit Jovius. Gesnerus tamen etiam flumina transilire continuatis saltibus, observatum scribit; nec metuere, ne tingatur. Cæterum Alfonsus Rex, eò spectavit. Nam admonitus, ut in conjuratos animadverteret, quorum Princeps erat unus ex agnatis, regiè respondit, malle se mortem optetere, quàm gentilium sanguine, manus inficere.

## *VI. Hierographia simplex.*

Hic magni fecit Imperium: aut veriùs imperantem omnibus Deum. Nam & Jovis hæc ales est: & Imperii Romani insigne, ut ante dictum. Verba nemo non intelligit. Sub umbra alarum tuarum Christe, quas pro nobis in cruce extendisti,

F

Regis

Reges Hispaniarum

Jacobus I. Rex Aragonie qui Valen: Petrus III. Rex Aragonie Primus Rex  
tia et insulas Baleares occupavit. Sicilie et insulas Gallie et Insulas Ballea.



Jacobus II. Rex Aragonie Valentie  
et Insularu' Balearum.

Alphonsus III. Rex Aragonie Valentie  
et Insularu' Balearum.



Petrus III. Rex Aragonie Valentie  
et Insularum Balearum.

Martinus postumus Rex Aragonie et  
Sicilie qui regna Ferdinando reliquit.



*VII. Hierographia simplex.*

**F**ortuna dubia & ancipiti, animo & virtute opus. Sic scilicet eques equi- 28.  
tem sternit.

*VIII. Hierographia simplex.*

Murex tetragona forma à Vegetio describitur, in quamcunq; partem incuberit, gravis existit. Hic coronatur. Nam Regis Arragoniæ Petri est; qui Gallos è Sicilia ejecit. Magna de sese opinio.

*IX. Hierographia simplex.*

Nota est Fabula de cerva æripede, & cornibus aureis, quam Hercules fatigavit & comprehendit. Hic adjecit alas, & fabulantem fecit, Con estas, id est, cum istis, auro & celeritate, ad cælum enitar, si tu Deus faveris, calcatis & superatis, potentia æmulis. Certè ubi opus est factum, nequidquam consultamus: & auro omnia, hoc anno expugnari audimus, quod ut luctuosum victo, ita nec pulcrum victori Diffidit enim ferro, qui aurum fundit. Profertur oraculum Apollinis, quis Apollo è Factum Alexandri, Sed quod respuit Romana virtus.

*X. Hierographia simplex.*

Symbolum luce clariùs est: & quid obscuri inserto, ad firmitatem revincto? cujus in apice annulus est, velut arrabo constantis fortunæ.

*XI. Hierographia simplex.*

Deo sceptrum submittit Rex, ut par est, Regi Regum. Coronæ suæ orbem terrarum nihil modici promittens sibi, Gubernatore & Adjutore Deo.

*XII. Hierographia simplex.*


Hic jam ipse gubernaculum orbis terræ corripuit: & supra orbem in luce, non in tenebris sedet; manu aut victoriæ aut pacis ramum prætendens.



*Reges Hispaniarum.*

*Petrus Rex Legionis et Castellae*

*Henricus II Rex Legionis et Castellae*



*Johanni Rex Castellae et Insularum Balearium.*

*Henricus III primogenitus Castellae Rex.*



*Henricus III Rex Castellae et Insularum Balearium.*

*Ferdinandus Iustus Rex Aragonie Neapoli et Insularum Balearium.*



XIII. Hiero-

*XIII. Hierographia simplex.*

**M**anus armata lanceam tenet. Et quasi nullum aliud Regis esset officiū; 29.  
hoc opus est; inquit Rex Petrus, & opus quidem est, ut Rex regnum defendat armis, sed multò magis legibus, quibus gubernet: & propulset arma: multò magis consilio, quo leges & arma gubernantur: maximè justitia, & hac animi affectione: Ne quem violem. Nam justum Magistratum Deus justus tuetur, defendit ac gubernat. Cæterum lancia, unde lanciarii apud Tacitum vocabulum Hispanicum Festo est. Et hoc telo nostri Proceres sævius in se, ad voluptatem, quàm ad necessitatem olim gladiatores concurrunt.

*XIV. Hierographia simplex.*

Duæ anchoræ vel propter se, vel propter formam decussim firmæ sunt. Hic Rex duorum regnorum opes congerit, & egerit: diademate enim cingit, non male, quod ducem bonum (hoc enim duæ voces Hispanicæ sonant) optat, non impiè, magis piè, si non ducem itineris, sed in omni actione ante signanum Deum optaret. Ineptè, quod cynosuram intrà & non suprà collocat.

*XV. Hierographia simplex.*

Falconem quis primus domuerit non quæro: turpe enim si primus Cæsarum aliquis. Nam aliæ sunt artes Imperatoriæ. Aucupio nimis esse deditos, quibus Imperium dedit Deus, argumento est Henricus Imperator cognomento: non abs re auceps. Majora cedere minori, ut falconi, id est, ingenio vim cedo. Et Principis est ingenium exacuere, non minùs, imò magis, quàm exercere vim. Hac enim belluæ nobis præstant: illo nos nobis.

*XVI. Hierographia simplex.*

Quercus est, & ut ait Symbolum, semper eadem, id est, Regem decet, nec adversis succumbere, nec prosperis efferrè rebus, quòd constantia maximè hunc deceat, quo Resp. stat & gubernatur.

*XVII. Hierographia simplex.*

Cernis turrim, & quidem figura perfecta, sed infecta est: & frustra laborant, qui custodiunt eam; nisi Dominus dominans custodierit eam. Hoc fertur dixisse Arragonus, regni Neapolitani Rex, quando suorum levitati, & Gallorum furori cessit. Nec falso. Nam Carolus VIII. qui Gallos rexit & duxit, non toto vertente anno, versis fatis, regnum amisit. Et certè, si absquè causa nihil fit; quid facient secundæ cautæ absq; prima & principe?

*XVIII. Hierographia simplex.*

Natura detur, an industria comparètur virtus, quærit alicubi Plato. Eè naturam arte erudiri, ac corrigi, usu comprobatum est. Ferdinandus voluit videri justus natura, non arte, non cultu, non educatione. Fucrit talis beneficio Dei, qualis fuit, major est laus, ab his, quæ acquisivimus, quàm quæ accepimus. Aliter Regi visum est. Hinc Adamas passim ex rupe lucens, naturæ opera, non artificis.

Ferdinandus Justus Rex Arrago: et Neapoli.

Alphonsus Magnus Rex Arrago: et Neapolis sapientissimus.



Joannes Rex Arragonie Neapoli etc.

Carolus Rex Valentie et Maior vicarum.



Ferdinan Mag: Catho: Rex Hispa: utriusq: Sicilie: Hiensa: Sardi: insular: Bal:

H. XXIII. Gem.



## XIX. Hierographia simplex.

30.

Crystallum Plinius nihil aliud vult esse, quàm glaciem, quod locis gelidis nascatur, imò Græcis glacies dicitur τὸ ἄλγε κρύου συλλέγεσθαι. Quidquid est, genuinum hic Rex non factitium de rupe ostentat, eadem, qua prius sententia, de Adamante, ut hisdem verbis sententiam explanat. Mutandæ autem imaginis causa, idem sentienti fuit: quod non modò in re gravi, quam refert Adamas; sed & in re fragili, id est vitrea, semper sibi constet, & quidem indole, non simulatione virtutis.

## XX. Hierographia simplex.

Sydus faustum, Hispanicè, faustum ducem appellat. Et hoc est, quod navim ex tempestate in portum revehat. Deus, inquam est, qui Principes variis fortunæ jactatos procellis explicet, & restituat in integrum.

## XXI. Hierographia simplex.

Salamandra sive alitur igne, sive extinguit ignem, ut Plinius tradit, constantiæ indicium est Pierio. Et huic supra, si non subscribit Rex Arragoniæ Joannes, ut legis.

## XXII. Hierographia simplex.

Aves natura armavit. Nos in mutuam perniciem arma cudimus. Non est igitur Aquila, quæ sagittis confodit accipitrem; sed Rex legitimus, cui ut aquilæ in aves, in populum imperium obtigit: qui Regulum aliquem, nequidquam rebellantem, vincit tandem, & castigat.

## XXIII. Hierographia simplex, licet duplex.

Est enim eadem & scriptura & pictura ferè, præter basim. Atq; ut rem paucis perstringam. Gordianus nodus est, quem Alexander Magnus discidit, non distrinxit, ut apud Q. Curtium est. Fama erat, rerum in Asia potiturum, qui hunc nodum solvisset. Ubi juvenis ille nihil ingenio profecisset; acinacem expedit, id est, ad vim confugit. Juvenem Regem, Principes juvenes & senes æmulantur. Tantum enim quisq; tenet, quantum manu tenere, & vi potest defendere. Quod quia majori opera nec eadem semper fit; basis alia atq; alia: diversas difficultates recludit. Rex Alfonso profectò, motam de regno Castiliæ controversiam, armis dissolvit, increpans æmulum: ascende solum, si pluribus labet experiri.





HIEROGRAPHIA

Reges Hispaniarum.

Philippus I. Catholicus Rex Hispaniarum  
 et Maximiliani I. Imperator filius.

Joanna Regina Hispanie Ferdinandi  
 Regis filia uxor Philippi I.



Philippus II. Catholicus Rex Hispaniarum utri-  
 usque Indiarum Siciliae etc. Archid. Aus.



Philippus II. Catholicus Rex Hispaniarum utri-  
 usque Indiarum Siciliae etc.

H XXVIII Gem.



XXIV, Hiero.

## XXIV. Hierographia simplex.

Burgundiæ Principem vides, & insignia Burgundiæ. Campum etiam, ut sit, interstitio diremtum; ut equitum sit, non equorum certamen. Provocat ad pugnam quemvis, more & audacia Majorum, nec ad duellum, sed bellum magis. Laudat, n. hunc ipsum Philippum Erasmus, nec injuria laudat, sed in juvena, ut præcoces fruges rarò ad maturitatem perveniunt, extinguitus est. 31.

## XXV. Hierographia simplex.

Hujus uxor, sub imagine Pavonis, omnia vana censet, etiam si orbi universo imperaret, tanto Principe viduata.

## XXVI. Hierographia simplex.

Belgæ Philippo II, Regi Catholico in auguratione non tantum humanos, verum etiam augustiores tribuerunt honores. Tanti fecere unicum filium Caroli. Inter hos, illud est, quod Philippo cum Jove Imperium dividunt, Pagana assentatione.

## XXVII. Hierographia simplex.

Huic conformis est Phœbus, imò Philippus, quem in quadriga Solis, ut plebs in omnibus immodica est, collocant; & post exterminare voluerunt.

## XXVIII. Hierographia duplex.

1. Quernea corona donabatur, qui civem Romanum servasset. Donatus est Philippus, suscepta tutela fidei, qua stat civitas Romana. Infertæ Rosæ olent pietatem, quæ quod inter spinas pullulent, & pediculo sint spinoso, ostendunt difficultatem patrocinii.

2. Reliquum orbis & delineatur & promittitur: sed Dei solius est dare, ne miremur Regem cecidisse spe; aut assentatores Regis, opinione.



*Reges Hispaniarum.*

32

*Philippus II. Catholicus. Rex Hispaniarum et Viri-  
usq; Indiæ Siciliae*



*Philippus II. Catholicus. Rex Hispaniarum et  
Viriusq; Indiæ Siciliae.*



*Philippus II. Catholicus Rex Hispaniarum et  
Viriusq; Indiæ Siciliae.*



X LIX. Hiero.

## XXIX. Hierographia simplex.

**H**ÆC non est Regis Philippi, sed Belgarum quorundam qui rebus novis studebant. Guefeos appellant, id est, mendicos, à Gothis nomen derivatum Nonnius putat. Fidem Regi tamen se servaturos ad incitas usq; præ se ferebant. Hinc est illa mantica: & circum Gallicè scriptum, fideles Regi ad manticam, id est egestatem, & incitas, ut dixi. Dextræ junctæ societatem denotant. Ex hac societate natum est sociale bellum, inter Belgas & Hispanos, quò etiamnum flagrat Gallia Belgica, nec intacta est Hispania.

32.

## XXX. Hierographia simplex.

Hæc Regis Philippi II. est, ut cernis ex diademate & insignibus Burgundiæ. Nam ad hanc pertinet titulus. Et planè opposita proximæ. Requirit enim in Principibus Belgarum, Majorum fidem, planè, ut Darius, interrogatus, quid maximè optaret, respondit, (aperiebat tùm forte Punicum malum) tot Zopyros, quot acinos recluderet. Zopyrus autem is erat, qui Babylonem Regi Dario nequidquam diu obsidenti, ausus in se hostilia, & transfugiens ad Babylonios, subegit, ut Herodotus memoriæ prodidit. Nituntur hæcclè fide parentium, procerû in primis, quos duces, ut pastores grex, multitudo sequitur, imperia Principum.

## XXXI. Hierographia gemina.

1. Pace Cameraci facta, aut in agro Cameracensi inter Philippum II. Hispaniarum, & Henricum II. Galliarum Reges, hic nummus signatus videtur. Nam ut cum duobus de armento tauris, robore præstantibus, cæteri ferè mussant; ita horum Principum sectam, reliqui Europæ Principes sequebantur. Est autem Pax, quæ valvas lahi gemini clausit, sero cincta ad festivitatem, cornucopiæ id est ubertatem quietis, manu ostendens, sed dextra nequidquam faces moliens: arma enim flammam non concipiunt, quod pacis non diuturnæ omen erat. Certè in pace utrobiq; natum est bellum, primùm in Gallia: deinde in Belgio, & furialibus armis prætendebatur religio, Stabat tamen inter Reges pax, donec frater Henrici III. Franciscus, tyrannidem in Belgio appetivit, fratris enim copias simul traxit: non clientes modò.

2. Uni Pellæo juveni non sufficit orbis. Pellæus Alexander Magnus est, à Pella, regia Macedoniæ. Hoc an tortum sit in Philippum Hispanum ab æmulis, quod ad Monarchiam tenderet: aut datum à suis, quod uni orbis terræ Imperium deberi arbitrarentur, in ambiguo relinquam. Equus effrenis & cursu, fuscis jubis concitus, nihil Rege dignum hinnit; sed effrenem licentiam, & omnia occupandi libidinem: quæ procul fuerunt à Regis moderatione. Nam Gallis & juvenis & senex omnia reddidit, quæ belli jure occuparat, consilio magis laudabili, quam utili, De globo terræ nihil dico, est enim in conspectu,

XXXI. Hiero-

HIEROGRAPHA  
 XXXII. Hierographia gemina.

1. Regum Christianorū concordia, est temporis, quo servatur, felic itas  
 Concordiam signant dexteræ.

2. Forma decussi Rami duo, truncatis frondib. lauri, Ducum Burgun-  
 dia sunt. Coronantur quod extincta stirps, renata sit, in familia Austria: quæ  
 jam & regio & imperatorio diademate refulget, Caterum laurus, quod tem-  
 per viret, victoriæ dicatur. Scintillæ, quas undiq; sparsas vides, micantem ex  
 hac gente, gloriam sonant. Et est ex igniariis laurus, teste Plinio, quæ mutuo  
 at tritu, ignem fundunt. Quod si ad omem spectamus; felicitatem porten-  
 debat, si inter urendum fragraret, ut Tibullus quodam versu indicat, & inter-  
 pres Homeri Eustatius, imò & Porphyrius Philosophus, Nugæ: semper e-  
 nim fragrat.



Reges

Reges Hispaniarum.

33

Maria Regis Philippi II. uxor Joa:  
III. regis Portugaliæ filia.

Maria uxor Regis Philippi II. He:  
rici VIII. Regis Anglæ filia.



Isabella Valesia Philippi II. regis.  
uxor Henrici II. Francoꝝ Reg. fil.

Anna Austriaca. coniunx Philippi II  
regis. Maximil: II. Imp. filia.



Philippus III. Catholicus Rex Hispaniarum. utriusq.  
Indiæ et Siciliæ. etc Arch: Austr.



G XXXIII. Hiero-

## XXXIII. Hierographia simplex.

33. **L** Vicitana Herois, veluti Sydus resplendens, soli Regi Philippo dicata, & desponsa est; qui tum ætate & potentia, ut illud cœli jubar florebat,

## XXXIV. Hierographia simplex.

Regina Angliæ Maria, instaurare religionem conata, quo tempore, Philippo nupsit, præmium & pœnam expedit. Ita cæcis lumen voluit restituere: timidis relinquere quietem,

## XXXV. Hierographia simplex.

Connubio pace firmata, omnia sibi omnes felicia promittebant, quod Gallia, quæ hactenus lumini Hispaniæ tenebras offuderat, haud secus, quàm Luna caussatur Ecclipsim Solis, jam cum Hispania colluceret. Est autem insigne Galliæ Regum crescens Luna, Cæterum corona tot stellis distincta est, aut debebat esse; quor regna habet Rex Hispaniarum. Stellæ in circulis Lunæ & Solis spatæ, Principes & Civitates sunt, alterutrius sectam sequentes,

## XXXVI. Hierographia simplex.

Querneis suspensus ramis & in orbem se gyrans serpens, mordicus enim caudam apprehendit, & alatus est, non ita sub mentem, ut visum venit. Prudentiæ tamen satis esse constat, hoc ipso; quod serpens est: Celeritatis; quod alatus: Diurnitatis; quod rotundus. Quæ omnia cadebant in Philippum, erat enim longævus, & vel propter hoc, prudens. Ad agendum suppeditabant vires. Habemus Philippum, ubi conjunx? Num vides columbam in trunco arboris? Hæc Anna Austria est, quæ in orba viduaq; domo furculum gentilicium iniecit, Philippum, inquam, III. qui nunc rerum in Hispania potitur.

## XXXVII. Hierographia duplex.

1. Duo sunt globi, alter cælestis, alter terrestris. Hunc patriæ conatur subdere: illum Deo. Non enim pro focus tantum, sed & aris pugnavit.

2. Oleæ rami serenitatem; fulmen, severitatem notat, ut & alibi dictum est, & temperare hæc inter sese, boni Principis est. Nam ut pœnam delictis; sic & præmia par est esse virtuti. Cæterum fulmen Vulcanus alatum Jovi fabricat, ut apud Poetas est, ministerio Cyclopum.

